

FAMPIANARANA

Fantaro ny tetiandro amin'ny taom-pianarana 2023-2024

Nivoaka izao ny te-tiandro amin'ny fam-pianarana ho an'ny taom-Pianarana vaovao ho avy 2023-2024. Na-voakan'ny ministeran'ny Fanabeazam-pirenena.

Hanomboka ny 04 septembra 2023 ho avy izao izany taom-pianarana vaovao izany ary hifarana ny 28 jona 2024.

Ny 2 volana voalohany hanomboka ny 4 septembra ka hatramin'ny 27 oktobra 2023.

Ny 2 volana faharoa, hanomboka ny 6 novambra ka hatramin'ny 22 desambra 2023.

Ny 2 volana faha-3, hanomboka ny 8 january 2024 ka hifarana ny 1 martsa 2024.

Ny 2 volana faha-4, hanomboka ny 11 martsa



Ny ministeran'ny fanabeazam-pirenena etsy Anosy.

2024, ka hatramin'ny 26 april 2024.

Ary ny 2 volana faha-5, hanomboka ny 06 mey ka hatramin'ny 28 jona 2024. Ny andron'ny sekoly hatao ny 28, 29 febroary ary ny 1 martsa.

Ireo fialan-tsasatra : 28 oktobra ka hatramin'ny 5 novambra 2023.

23 desambra 2023, ka hatramin'ny 07 january 2024.

2 martsa 2024, ka hatramin'ny 10 martsa 2024

27 april 2024, ka hatramin'ny 5 mey 2024

Ary fialan-tsasatra lehibe, hanomboka ny 29 jona 2024.

Aly

Tsy rariny nataon'ny PAC Mahajanga

Tsy niasa avokoa ny vadintany manerana ny Nosy omaly



Sary famantaran'ny vadintany eto Madagasikara.

vaovao voaray. 2 taona taty aoriana vao nihevitra haka ny « pension-ny » any amin'ilay rangahy amin'izay ilay Ramatoa, ka naka an'i Me Kanto hanatanteraka izany. Tsy nety nanefa izany ilay

rangahy, nisy ny fakana zavatra na saisie nataon'ity Ramatoa vadintany ity, tany amin'ilay lehilahy ihany anefa aloha no naperaka io zavatra natao saisie io. Tao anatin'izany no nitory tany amin'ny

PAC Mahajanga ilay lehilahy, nilaza fa nisy resaka kolikoly tamin'izao fakana ny fananany izao. Zavatra izay tsy mitombina araky ny voalazan'ireo vadintany, raha misy raharaha mahakasika vadintany hoy izy ireo, tsy ny PAC no tokony hisahana izany fa tokony ho ny « parquet général », satria ny asana vadintany dia miankina amin'ny ministeran'ny fitsarana, amin'ny maha mpiasam-panjakana azy ireo koa. Tsy niasa avokoa noho izany omaly, ireo vadintany sy ireo clercs rehetra manerana ny Nosy, ho fairsankina tamin'i Me Kanto. Mbola ho tantara mitohy izao raharaha izao.

Ny Valosoa

"Festival des baleines 2023"

Ho avy hanentana i Julien Le Pers ray mpiyahy



Ny mpikarakara ny hetsika teny Andraharo omaly.

Ho avy hanentana ny het-sika amin'ny ankapobeny i Julien Le Pers ray mpiyahy ny hetsika "Festival des baleines 2023", ho tanterehina any amin'ny Nosy Boraha na Sainte Marie hanomboka amin'ny sabotsy 15 ka hatramin'ny alahady 23 jolay 2023 ho avy izao. Io no nivoitra tamin'ny valan-dresaka hoan'ny mpanao gazety faharoa nataon'ny mpikarakara ny hetsika, teny amin'ny "Campus Telma Andraharo" omaly alarobia 05 jolay 2023. Mbola nambaran'izy ireo ihany koa, fa efa tonga ao amin'ny ranomasin'i Sainte Marie ireo baleines mpifindra-toerana isan-

tanjahantena toy ny tsipy kanetibe, beach soccer sy beach volley, ny "tounoi de golf du festival", ny "course des pirogues" ary tsy ho latsa-danja amin'ireo anefa ny "carnaval" na ny "défilés" miisa 2 hatao amin'ny sabotsy 15 sy sabotsy 22 jolay, ka handraisan'ireo fokontany any tan-toerana miisa 15. Koa satria hetsika fizahantany ihany koa ny "Festival des baleines" dia handrasana ny fitsidiah'an'ireo mpizahantany nasionaly sy avy any ivelany ny hakanton'ny tanan'i Ste Marie.

Rainilita

Kaominina Ivato sy Coach Rôrô

Hitsirika Barea kely

Hitsirika mpilalao baolina kitra ankizy sy tanora ny kaominina Ivato distrikan'Ambohidratrimo sy Coach Rôrô, izay mpanazatra ny ekipam-pirenena Malagasy eo amin'ny baolina kitra, na ny Barean'i Madagasikara. Ny sabotsy 15 jolay ho avy izao amin'ny 9 ora maraina ao an-tokontanin'ny kaominina Ivato, no hatao izany FIT-SIRIHANA BAREA KELY izany, hiarahana amin'ny Coach Rôrô mpanazatra ny ekipam-pirenena BAREA, hiarahany miasa amin'ny Ben'ny tanàna Penjy Randrianarisoa .

Nanambara ny ben'ny tanàna fa : « tongava daholo ny ankizy mpankafy baolina kitra 7 taona no ho mihatra, hatramin'ny lehibe koa aza. Hamelo-maso ny hoavin'ny ekipam-pirenena Malagasy isika. Eo no hanomezana ny toromarika rehetra mikasika ny fifantenana. Misy koa ny sekolin'ny baolina kitra tantanan'ny Coach Rôrô ho an'ny ankizy sy tanora, » hoy izy.

Lita



Coach Rôrô sy ny ben'ny tanàna Penjy Randrianarisoa.

Tsenan-davanila any Sava

Hanomboka ny 7 aogositra, 21 aogositra ary 17 septambra

Fantatra amin'izao fotoa-na ny daty hanombohan' ny tsenan-davanila maitso any amin'ny faritra Sava. Niombon-kevitra ny teknisiana sy ny mpamboly ary ny mpandrahahara mpisehatra amin'ny lavanila momba ny daty tokony hanokafana ny tsenan-davanila maitso. Ireo Ben'ny tanàna, mpam-boly, mpanangom-bokatra, mpanondrana lavanila, ny tompon'andraiki-tra avy amin'ny Faritra, ny Prefektiora, DRAE, DRICC, CRV, no nandinika ny daty mety hisokafan'ny tsenan-davanila maitso any amin'ny Faritra SAVA ny zoma lasa teo. Fivoran'ny Komitim-paritra misahana ny fanarahamaso ny fivelaran'ny vonin-davanila (CROF).

Avy amin'ny tombana nataon'ny avy amin'ny sampan-draharahan'ny Fambolena no nanaovana ny tolo-kevitra momba ny vaninandro hanombohan'ny taompiatazana sy fivarotana ny lavanila maitso.

Ho an'ny faritra manamorona ny ranomasina dia ny 07 Aogositra 2023, no hanomboka ny tsenan-davanila maitso, raha ny 21 Aogositra 2023 ho an'ny any amin'ny faritra anelanelany. Ny 17 Septambra 2023 kosa ho an'ny faritra be tendrombohitra.

Any amin'ny faritra Diana sy Sofia amin'izao fotoana, mitontongana be izay vidin'ny lavanila izay, ka asa-hanao ahoana koa ny any amin'ny faritra Sava ? izay anisan'ny mpamokatra ity yokatra fanondrana ity koa.

Aly

